

К ОПУБЛИКОВАНИЮ

КОМИ РЕСПУБЛИКАСА ОЛАНПОДУВ ЁРД

Гражданка Людмила Владимировна Парначевалысь Коми Республикаын шыбласьясён вöдитчан мутас схемалён, мый вынсьöдöма Коми Республикаса вөр-ва озырлун да гөгöртас видзан министерстволён 2020 во öшым тöлысь 11 лунся 2286 №-а Тшöктöдён, 6 юкöдса да 11.1 №-а Содтöдса положениеяс Коми Республикаса Оланподувлы лöсаятöмөн шуöm йылысь норасьöмсö видлалöм вылö примитöмын öткажитöм йылысь

Коми Республикаса Оланподув Ёрдлөн кывкöртöд

Сыктывкар

2021 вося урасьöм тöлысь 19 лун

Коми Республикаса Оланподув Ёрд, кöни веськöдлысьнас вöли В.В. Кретов, ёрдысьяснас вöлины Д.Н. Басманов, Н.В. Боковикова, А.В. Проскуров,

ёрдлөн заседание дырйи ёрдысь Н.В. Боковиковалысь, кодi «Коми Республикаса Оланподув Ёрд йылысь» Коми Республикаса Оланпаслөн 37 статья подув вылын водзвыв видлалiс гражданка Л.В. Парначевалысь норасьöмсö, заключениесö кывзöм бöрын

п а с й и с:

Коми Республикаса Оланподув Ёрдö аслас норасьöмын гражданка Л.В. Парначева вензьö Коми Республикаын шыбласьясён вöдитчан мутас схемалён, мый вынсьöдöма Коми Республикаса вөр-ва озырлун да гөгöртас видзан министерстволён 2020 во öшым тöлысь 11 лунся 2286 №-а Тшöктöдён, (водзö – Мутас схема) «Шыбласьяс обработайтан, иналан, лёк вöчöмысь дугöдан объектъяслөн да шыбласьяс меститан объектъяслөн

меститчаніньяс, кутшөмьясөс пыртөма шыбласьяс меститан объектъяслөн канму реестрө» 6 юкөдса да «Шыбласьяс, сы лыдын чорыд коммунальнөй шыбласьяс, обработайтөм, иналөм, лөк вөчөмысь дугөдөм да видзөм серти стрөитны планируйтан объектъяс» 11.1 №-а Содтөдса положениеяслөн Оланподувлы лөсялөм серти.

Мутас схемалөн «Шыбласьяс обработайтан, иналан, лөк вөчөмысь дугөдан объектъяслөн да шыбласьяс меститан объектъяслөн меститчаніньяс, кутшөмьясөс пыртөма шыбласьяс меститан объектъяслөн канму реестрө» 6 юкөдын урчитөма 2022 воө республикалөн торья ылі мутасьяслы, кодьяскөд абу вогөгөрся транспорт йитөд (Печора юлөн шуйга берег юкөн, Сивөй Маска п., Елецкөй п., Чилимдін с.), термическөй деструкциялысь 4 установка уджө пыртөм (1 абзац). Термическөй деструкциялөн установка вылө шыбласьяс вайигөн урчитөма найөс обработайтөм (сортируйтөм) (2 абзац). Вайөдөм юкөдлөн 3 абзацөн урчитөма 2022 во бөрын республикаса став ылі да сьөкыда воөдчан мутассө чорыд коммунальнөй шыбласьяс серти термическөй деструкция нуөдан объектъясөн (установкаясөн) могмөдөм, көні став объект вылын лөоны ёг сортируйтысь линияяс. Вайөдөм юкөдлөн 6 абзацын индөма, мый шыбласьясөн вөдитчан мутас схемалөн балаө сьөкыда воөдчан мутасьясын термическөй деструкция объектъяс пыртөмсө подулалөма артмысь шыбласьяссь экономика боксянь бырөдны коланлунөн; шыбласьясөн вөдитчан юкөнын канму политика збыльмөдөмөн, мый серти урчитсьө шыбласьяс обработайтөмлөн да иналөмлөн верктуйыс меститөм дорысь; гуалөм вылө веськөдөм шыбласьяслысь лыдсө чинтөмөн.

Водзө вылө установкаясөн вөдитчөмсө урчитөма чорыд коммунальнөй шыбласьяс бырөдан юалөмьяс решитанног пыдди, а абу установкалөн торья модельөн (маркаөн) вөдитчөмсө. Шыбласьяс бырөдан объектъяслы да технологияяслы, кутшөмьясөс планируйтөны, кыдзи канму экологическөй экспертиза объектъяслы, колө лөсявны вөр-ва видзан

да санитарно-эпидемиологическӱ оланпастэчаслӱн корӱмьяслы гӱгӱртас
вылӱ омӱля тӱдчӱмсӱ чинтӱм могысь(7 абзац).

Норасьӱмсӱ Л.В. Парначева подулалӱс сыӱн, мый 6 юкӱдса 6
абзацлӱн положениясӱн экономика боксянь коланлунсӱ шуӱма верктуяӱн
гӱгӱртас да дзоньвидзалун видзӱм серти, мый мунӱ паныд Коми
Республикаса Оланподувлы да шыбласьясӱн вӱдитчан канму политикалӱн
верктуй пӱрадоклы, кутшӱмӱс урчитӱма «Производство да потребление
шыбласьяс йылысь» 1998 во лӱддза-номья тӱлысь 24 лунся 89-ФЗ №-а
Федеральнӱй оланпасӱн (водзӱ – 89-ФЗ №-а Федеральнӱй оланпас).

Шыбласьяс, сы лыдын чорыд коммунальнӱй шыбласьяс,
обработайтӱм, иналӱм, лӱк вӱчӱмысь дугӱдӱм да видзӱм серти стрӱитны
планируйтан объектьяс 11.1 №-а Содтӱдын 1 – 4 дорыв номерьяс улын
индӱма лӱк вӱчӱмысь термодеструкционнӱя дугӱдан установкаяс,
кутшӱмьясӱс кӱсйӱны пыртны 2022 воын, пӱрадок серти лӱсялӱмӱн
«Печора» МР МӱЮ-ын, Печора юлӱн шуйга берег, Кожва ккп; «Воркута»
КК МӱЮ-ын Сивӱй Маска пос.; «Воркута» КК МӱЮ-ын Елецкӱй пос.;
«Чилимдӱн» МР МӱЮ-ын Чилимдӱн с., 10-ӱд графаын тайӱ установкаяслысь
проектнӱй вынӱӱрьяссӱ пасйӱмӱн. Та дырйи, кыдзи индӱс шыӱдчысь,
вайӱдӱм 11.1 №-а Содтӱдын абу расшифруйтӱма нимсӱ да абу вайӱдӱма
тайӱ установкаяслысь уджалан принципсӱ, абу индӱма гӱгӱртас
вылӱ налысь лӱка тӱдчӱмсӱ доньялӱм вылӱ, мый, шыӱдчысьлӱн шуӱм серти,
оз лӱсяв мутас схемаяслӱн тӱчас да сюрӱс дорӱ корӱмьяслы, кутшӱмьясӱс
урчитӱма Производство да потребление шыбласьясӱн, сы лыдын чорыд
коммунальнӱй шыбласьясӱн, вӱдитчан юкӱнын мутас схемаяс лӱсьӱдан,
йӱзкӱд видлалан, вынсьӱдан, корректируйтан правилӱясӱн, а сӱдзжӱ
татшӱм схемаяслӱн тӱчас да сюрӱс дорӱ корӱмьяслы, кутшӱмьясӱс
вынсьӱдӱма РФ Веськӱдлан котырлӱн 2018 во кӱч тӱлысь 22 лунся 1130
№-а Шуӱмӱн.

Норасьӱмын шыӱдчысь ыстысьӱ сы вылӱ, мый лӱк вӱчӱмысь
термодеструкционнӱя дугӱдан ӱнӱя производство установкаяс, а буретш

шыбласьяс газифицируйтөм серти установкаяс, либө чорыд коммунальнөй шыбласьяс иналөм вылө инсинераторьяс лэдзöны атмосфераö зэв токсичнөй петöмьяс, вöчöны токсичнөй пöим да из шом шыбласьяс, кутшöмьяслөн опасносът классыс ыджыдджык бытöвöй шыбласьясысь, тайö жö кадö Коми Республикаын абуюсь чорыд коммунальнөй шыбласьяс сотöмысь пöим да из шом колясыяслысь лөк вöчöмсö дугöдöм вылө вынйöрьяс да объектьяс. Такöд йитöдын, шыödчысьлөн видзöдлас серти, 2022 воö нель татшöм установка, а водзö вылө став сьöкыда воödчан да ылі местаын пыртöмыс артмөдö грöз Коми Республикалөн вөр-ва гөгöртаслы да став татчöс олысьлөн олöмлы.

Гижöм вылө подуласьöмөн Л.В. Парначева корö шуны мутас схемалөн 6 юкөдлысь да мутас схемалөн 11.1 содтöдлысь положениеяссö Коми Республикаса Оланподувлы, сьлөн 13, 18, 42 да 43 статьяяслы лöсвятöмөн.

2. Шыödчысьөн сетöм материальяссö туялöм бöрын Коми Республикаса Оланподув Ёрд оз аддзы оланпас серти подувьяс, медым примитны норасьöмсö видлалöм вылө.

Коми Республикаса Оланподув, сьлөн гражданалысь тыр-бур олöм могмөдöмысь кывкутöм вылө мыджсьöмөн, кутшöмöс вынсьöдöма сьлөн водзкывйын, мортлысь да гражданинлысь инöдьяссö да вöлясö вынсьöдöмөн, эскөдö быдөнлысь дзоньвидзалун видзöм вылө инöd да бур гөгöртас, сьлөн серпас йылысь стöч юөр вылө инöd (42 да 43 статьяяс).

Вөр-ваөн вöдитчöм, гөгöртас видзöм да экологическöй безопасносът могмөдöм, гөгöртас видзöм йылысь оланпастэчас пырöны Россия Федерациялөн да Россия Федерацияса субъектъяслөн öтвыв веськөдлöм улö (Россия Федерацияса Оланподувлөн 72 статьяса 1 юкөнлөн «д» да «к» пунктьяс да Коми Республикаса Оланподувлөн 64 статьяса «д» да «к» пунктьяс).

Россия Федерациялөн да Россия Федерацияса субъектъяслөн öтвыв веськөдланторьяс серти йöзөдöны федеральнөй оланпасьяс да на серти

примитом Россия Федерацияса субъектыслыс оланпасьяс да мукод нормативной инода акт, кутшомьяс оз вермыны лоны паныд федеральной оланпасьяслы (Россия Федерацияса Оланподувлон 76 статьяса 2 да 5 юконьяс, Коми Республикаса Оланподувлон 65 статьяса 1 юкон).

Мортлон дзоньвидзалун да гогортас выло производство да потребление шыблассяслон лека тодчомыс видчысьом могыс производство да потребление шыблассясон водитчан инода подувьяссю, а сиджю татшом шыблассясон сырьелон содтод ошмосьяс пыдди овмосын водитчомсо урчитома 89-ФЗ №-а Федеральной оланпасон.

Индом Оланпаслон 6 статья серти шыблассясон водитчан юконын Россия Федерацияса субъектыслон уджмогьясю пыро, торйон нин, шыблассясон водитчан мутас схема лосьодом да вынсьодом.

Россия Федерацияса субъектлон уполномочитом оломю портыс власьт орган мутас планируйтан документьяс серти лосьодо да вынсьодо Шыблассясон водитчан мутас схемасю 89-ФЗ №-а Федеральной оланпаслон 13.3 статьяса 2 юкон серти.

Коми Республикаын органон, кодос уполномочитома Мутас схема лосьодом выло, лою Коми Республикаса вөр-ва озырлун да гогортас видзан министерство («Коми Республикаса вөр-ва озырлун да гогортас видзан министерство йылыс») Коми Республикаса Веськодлан котырлон 2017 во моз толыс 24 лунся 452 №-а шуом).

«Коми Республикаын шыблассясон водитчан мутас схема вынсьодом йылыс» Вөр-ва озырлун да гогортас видзан министерстволон 2020 во ошым толыс 11 лунся 2286 №-а Тшөктөдон вынсьодома Коми Республикаын шыблассясон водитчан мутас схема.

Запрос дорю содтом материальясыс тыдалю, мый индом Тшөктөдсю йозөдтөдз вөлі Мутас схема йозкод видлалом, мый урчитома «Производство да потребление шыблассясон, сы лыдын чорыд коммунальной шыблассясон, водитчан юконын мутас схемаяс лосьодом, йозкод видлалом, вынсьодом, корректируйтөм йылыс, а сиджю татшом

схемаяслөн тэчас да сюрёс дорё корёмьяс йылысь» Россия Федерацияса Вёськөдлан котырлөн 2018 во коч төлысь 22 лунся 1130 №-а Шуёмөн, асьсё 2286 №-а Тшөктөдсё публикуйтёма <http://law.rkomi.ru> официальной сайтын «Коми Республикаса канму власьт органьясөн примитём инёда актьяс, мукөд официальной юөр лыддьог» сетевый изданиеын.

Индөмторйысь тыдалö, мый вензяна нормативной инёда актсö примитёма та вылö полномочной орган сийöс примитём серти урчитём процедураö, а сідзжö сылөн формаö да сикасö кутчысьёмөн.

3. «Коми Республикаса Оланподув Ёрд йылысь» Коми Республикаса Оланпаслөн 90 статьяса 1 юкөн серти оланподув инөдьяс да вöля торкалём вылö норасьёмөн Коми Республикаса Оланподув Ёрдö шыödчём вылö инөдыс эм гражданалөн, кодьяслысь инөдьяссö да вöлясö торкалёны Коми Республикаса нормативной инёда актөн.

Та дырйи «Коми Республикаса Оланподув Ёрд йылысь» Коми Республикаса Оланпаслөн 91 статьяөн урчитёма, мый оланподув инөдьяс да вöля нормативной инёда актөн торкалём вылö позьö норасьны сэк, кор нормативной инёда актыс инмö гражданалөн оланподув инөдьясö да вöляö; нормативной инёда актөн вöдитчёма либö позьö вöдитчыны торья делöын, кутшöмöс помалёма либö заводитёма видлавны ёрдын либö мукөд органын, кодi вöдитчö нормативной инёда актөн.

Мутас схемалысь 6 юкөдсö, кутшöмлөн положениеяслөн Оланподувлы лöсялём серти вензьö шыödчысь, көнi арталёма чорыд коммунальной шыбласьясөн вöдитчан юкөннын водзö вылö мероприятиеяс, сы лыдын чорыд бытöвöй шыбласьяс обработайтём, иналём да лёк вöчöмысь дугөдём серти вынйöрьяс, а буретш республикаса торья ылі мутасьяслы, кодьяскөд абу транспорт йитөд, термической деструкциялысь установкаяс уджö пыртём, вёськөдёма шыбласьясөн вöдитчан юкөннын канму политика збыльмөдём вылö, кутшöмöс урчитёма 89-ФЗ №-а Федеральной оланпасөн (3 статья), мый урчитö, водзкыв серти, производство да потребление шыбласьясөн вöдитчан инёда подувьяссö

мортлөн дзоньвидзалун да гөгортас вылө шыбласьяслөн лёка тёдчөмысь видчысьём могысь да сійос оз позь донъявны кыдзи оланподув инөдьяс торкөм, кутшөмьясөс шыөдчысь индіс норасьөмын.

Мутас схемалөн 6 юкөдса 6 да 7 абзацяслөн сюрөсысь тыдалө, мый шыбласьясөн вөдитчан мутас схемаө республикаса сьөкыда воөдчан мутасьясын термическөй деструкция объектъяс пыртан плансө пыртігөн төд вылын кутісны эз сөмын экономика боксянь коланлунсө, а сідзжө и сійос, мый шыбласьяс бырөдан объектъяслы да технологияслы, кутшөмьясөс планируйтөны, кыдзи канму экологическөй экспертиза объектъяслы, колө лөсявны вөр-ва видзан да санитарно-эпидемиологическөй оланпастэчаслөн корөмьяслы гөгортас вылө омөля төдчөмсө чинтөм могысь, мый серти колө могмөдны йөзкотырлөн экономическөй да экологическөй интересьяслысь сөгласуйтөмөн лөсялөмсө, мыйкөд йитөдын вайөдөм положениеяссө шыөдчысьөн индөм аспектын оз вермыны видлавны кыдзи оланподув инөдьяс торкалысьясөс.

Коми Республикаса Оланподув Ёрд «Коми Республикаса Оланподув Ёрд йылысь» Коми Республикаса Оланпаслөн 3 статья серти прөверитө нормативнөй инөда актсө сы серти, лөсялө-ө сійө Коми Республикаса Оланподувлы, та дырйи кутчысьө збыль лоөмторьяс урчитөмысь да туялөмысь став случайын, кор тайө пырө мукөд ёрдлөн либө мукөд органлөн компетенцияө.

Норасьөмысь тыдалө, мый шыөдчысьөс майшөдлө лёк вөчөмысь термодеструкционнөя дугөдан производство установкаясса уна сикас модельлөн экологическөй безопасностьтыс налөн петөмьяс да производство шыбласьяс серти, мый, сылөн видзөдлас серти, вермас артмөдны грөз Коми Республикалөн гөгортаслы да олысьяслөн дзоньвидзалунлы. Сы могысь, медем прөверитны тайө доводьяссө, колө урчитны да донъявны збыльывса лоөмторьяссө, мый оз пыр Коми Республикаса Оланподув Ёрдлөн компетенцияө, кыдзи и обжалуйтөм нормативнөй акт сы серти прөверитөм, лөсялө-ө сійө нормативнөй актлы, кутшөмлөн эм ыджыдджык

юридическӧй вын, мый артмӧдӧ ӧтувья юрисдикцияа ёрдьяслысь медыджыд инӧдсӧ.

Норасьӧм дорӧ содтӧм документъясыс оз эскӧдны и торья делӧын вензяна положениеясӧн вӧдитчӧмсӧ, такӧд йитӧдын норасьӧмыс оз лӧсяв позяна муртӧсьяслы, кутшӧмъясӧс урчитӧма «Коми Республикаса Оланподув Ёрд йылысь» Коми Республикаса Оланпаслӧн 91 статьяӧн, да тайӧ подув вылын сійӧс оз позь примитны Коми Республикаса Оланподув Ёрдӧн видлалӧм вылӧ.

Гижӧм вылӧ подуласьӧмӧн, «Коми Республикаса Оланподув Ёрд йылысь» Коми Республикаса Оланпаслӧн 91 статьяӧ, 39 статьяса 1 юкӧнлӧн 1 да 2 пунктъясӧ, 66 статьяса 2 юкӧнӧ, 72 да 73 статьясӧ кутчысьӧмӧн, Коми Республикаса Оланподув Ёрд

к ы в к ӧ р т а л і с:

1. Ӑткажитны гражданка Людмила Владимировна Парначевалысь норасьӧмсӧ видлавны примитӧмын, сы вӧсна мый сійӧ оз лӧсяв «Коми Республикаса Оланподув Ёрд йылысь» Коми Республикаса Оланпаслӧн корӧмъяслы, кутшӧмъяс серти Коми Республикаса Оланподув Ёрдӧ норасьӧмыс лыддыссьӧ позянаӧн.

2. Бергӧдны Людмила Владимировна Парначевалы канму пошлиналысь ӧтувья мындасӧ куимсӧ шайт мындаын.

3. Тайӧ кывкӧртӧдыс лоӧ бӧрьяӧн, сійӧс оз позь обжалуйтны да дзик пыр вынсялӧ.

4. «Коми Республикаса Оланподув Ёрд йылысь» Коми Республикаса Оланпаслӧн 72 статья серти тайӧ Кывкӧртӧдсӧ дзик пыр колӧ публикуйтны «Коми Республикаса канму власьт органъяслӧн индӧд-тшӧктӧмъяс» журналын да йӧзӧдны «Ӑтуввез» юӧртан да коммуникация везйын Коми Республикӧн официальной сайтын «Коми Республикаса канму власьт

органъясӧн примитӧм инӧда актъяс, мукӧд официальной юӧр лыддьӧг»
сетевой изданиеын (<http://law.rkomi.ru>).

Коми Республикаса Оланподув Ёрд